

Cuira, ils 17 da mars 2010

Communicaziun a las medias

Remo Arpagaus expona a Laax

Remo Arpagaus da Laax expona il proxim mais en sia vischnanca nativa. Il scenograf ed artist è sesent a Turitg. A partir da sonda proxima, ils 20 da mars expona Arpagaus maletgs ed installaziuns en la galaria d'art e cultura a Laax en las localitads da l'anteriur Hotel Arena Alva en la Via Curtgin pign 35.

L'artist Remo Arpagaus è creschì si a Laax ed è actualmain sesent a Turitg. Suenten il seminari da scolasts ha el studegià musica al conservatori a Turitg e lavurà sco scolast da musica e dirigent. Silsuenten ha el studegià decoratur da tribuna / performance designer a Londra. Là è Remo Arpagaus er vegnì en contact cun la pictura. "Quai aveva plitost motivs pratics, i era simplamain da crear ils maletgs da tribuna", sa regorda Remo Arpagaus da sias emprimas emprovas artisticas. Dapi il 2002 è Remo Arpagaus enavos en Svizra, enavos a Turitg. El lavura da professiun libra en divers projects vid maletgs da tribuna, creaziuns dad exposiziuns ed installaziuns da glisch per musica e saut.

Las proximas quatter emnas expona Remo Arpagaus maletgs ed installaziuns. La Lia Rumantscha sustegna l'exposiziun dad Arpagaus che s'engascha regularmain en projects da lingua e cultura rumantscha.

La vernissascha ha lieu sonda, ils 20 da mars 2010 a las 19.00 cun in apero. L'exposiziun cuzza fin ils 16 d'avrigl 2010. Ella è mintgamai averta glindesdi – venderdi a las 08.00 – 12.00 e 14.00 – 18.00. L'artist è preschent ils 21 da mars (15.00 - 18.00) ed ils 4 d'avrigl (17.00 – 19.00) u sin dumonda (079 211 50 00)

www.liarumantscha.ch / www.remoarpagaus.ch

Contact per las medias:

Andreas Gabriel / manader communicaziun / medias
tel. +41 (0)81 258 32 22 / mob. +41 (0)79 650 83 89
andreas.gabriel@rumantsch.ch